

卷之四

書卷第...五

婚

納采

問名

納吉

納徵

請期

親迎

位大宗伯以冠婚之禮親成男女大司徒荒政十曰

昏當正凡其黨之昏冠教其禮事媒氏掌萬民之判

男女自成名以上皆書年月日名焉令男三十而娶

二十而嫁凡娶判妻入子者皆書之中春之月令會

於於是時也奔者不禁若無故而不用令者罰之司
之之無夫家者而會之凡嫁女娶妻純帛無過五兩
一送葬者與嫁殤者凡男女之陰訟聽之于勝國之社其
刑者歸之于士遂人以樂昏擾吐典瑞穀圭以和難
一女王人穀圭七寸天子以聘女大璋諸侯以聘女
一曲禮三十曰壯有室女子許嫁纓非有大故不入
一娶妻不要同姓買妾不知其姓則卜之男女非有
不相知名非受幣不交不親故日月以告君齋戒
告鬼神為酒食以召鄉黨僚友以厚其別也賀娶妻
曰某子使某聞子有客使某羞不序主人者納女於天
曰備百姓於國君曰備酒漿於大夫曰備掃灑正美
歲九年夏季孫行父如宋致女此云納女故注去
致女也知婿不親迎嫁女之家使人致女者

二年二月伯姬歸於宋時宋公不親迎故魯季孫行父
如宋致女是也而天子亦有親迎以否者異義云戴禮
說天子親迎左氏說天子不親迎使上卿迎之諸侯亦
不親迎使上大夫迎之鄭駁異義云文王娶大妣親迎
子渭又引孔子荅哀公合二姓之好以繼先聖之後以
為天地宗廟社稷之主冕而親迎君何謂已重乎此天
子諸侯有親迎也若不親迎則宜致女云備百姓也魯
子問昏禮既納幣有吉日女之父母死則如之何孔子
曰婿使人弔如婿之父母死則女之家亦使人弔父喪
弔父母喪稱母父母不在則稱伯父世母婿已葬婿之
父母致命女氏曰某之子有父母之喪不得嗣為兄弟
人請婿弗取而后嫁之禮也女之父母死婿亦如之

曾子問曰親迎女在塗而壻之父母死如之何孔子曰
一改服布深衣緇總以趨喪女在塗而女之父母死則
一不祭禮也又何反於初孔子曰嫁女之家三日不舉樂思嗣親也三月而廟
一相離也取婦之家三日不舉樂思嗣親也三月而廟
一稱來婦也擇日而祭於禰成婦之義也曾子問曰女
一不廟見而死則如之何孔子曰不遷於祖不祔於皇姑
一曾不杖不菲不次歸葬于女氏之黨示未成婦也曾子
一問曰娶女古言日而女死如之何孔子曰壻齊衰而禭
一既葬而除之天死亦如之如特牲曰天地合而後萬物
一

必誠辭無不曉告之以直信信事人也信婦德也一
之齊終身不改故夫死不嫁男親迎男先於女剛柔
一義也天先乎地君先乎臣其義一也執摯以相見摯音
一別也男女有別然後父子親父子親然後義生義生然
一後禮作禮作然後萬物安無別無義禽獸之道也壻親
一御授綏親之也親之也者親之也敬而親之先王之所
一以得天下也出乎大門而先男帥女女從男夫婦之義
一由此始也婦人從人者也幼從父兄嫁從夫夫死從子夫
一也者夫也夫也者以知帥人者也玄冕齋戒鬼神陰陽
一也將以為社稷主為先祖後而可以不敬乎其牢而食
一同尊卑也故婦人無爵從夫之爵坐以夫之齒器用陶
一匏尚禮然也三王作牢用陶匏厥明婦盥饋舅姑亦食
一歸餼餘私之也舅姑降自西階婦降自阼階授之室也

昏禮不用樂幽陰之義也樂陽氣也昏禮不賀人之序也大傳曰其庶姓別於上而戚單於下婚姻可以通乎繫之以姓而弗別綴之以食而弗殊雖百世而婚姻不通周道然也雜記大功之末可以冠子可以嫁子父小功之末可以冠子可以嫁子可以娶婦已雖小功既卒哭可以冠娶妻下殤小功則不可納幣一束束五兩兩五尋婦見舅姑兄弟姑姊妹皆立于堂下西面北上是見已見諸父各就其寢女雖未許嫁年二十而笄禮之婦人執其禮燕則執首經解曰婚姻之禮廢則夫婦之道苦而淫辟之罪多矣哀公問孔子曰非禮無以別男女父子兄弟之親婚姻疏數之交也大婚爲大大婚至矣大婚既至冕而親迎親之也親之也者親之也哀公曰寡人願有言然冕而親迎不已乎一乎孔子愀然作色

而對曰合二姓之好以繼先聖之後以爲天地宗廟社稷之主君何謂已重乎公曰寡人固不固焉得聞此言也寡人欲問不得其辭請少進孔子曰天地不合萬物不生大婚萬世之嗣也君何謂已重焉孔子遂言曰內以治宗廟之禮足以配天地之神明出以治直言之禮足以立上下之敬物恥足以振之國恥足以興之爲政先禮禮其政之本歟坊記男女無媒不交無幣不相見恐男女之無別也以此坊民民猶有自獻其身子云婚禮婿親迎見於舅姑舅姑承予以授婿有恐事之違也以此坊民民猶有不至者婚義曰婚禮納采問名納吉納徵請期皆主人筵几於廟而拜迎於門外入揖讓而升聽命於廟所以敬慎重正婚禮也父親醮子而命之迎男先於女也子承命以迎主人筵几於廟而拜迎于門外

壻執鴈入揖讓升堂再拜奠鴈蓋親受之於父母也降
出御婦車而壻授綬御輪三周先俟于門外婦至壻揖
婦以入共牢而食合巹而醕所以合體同尊卑以親之
也夙興婦沐浴以俟見質明贊見婦於舅姑婦執箕棗
栗股脩以見贊醴婦祭脯醢祭醴成婦順也舅姑入室
婦以特豚饋明婦順也厥明舅姑共饗婦以一獻之禮
奠酬舅姑先降自西階婦降自阼階以著代也是以古
者先嫁三月祖廟未毀教于公宮祖廟既毀教于宗室
教以婦德婦言婦容婦功教成祭之牲用魚芼之以蘋
藻所以成婦順也詩桃夭曰后妃不妬忌則男女以正婚
姻以時國無鰥民也鵲巢夫人之德也曰之子于歸百
兩御之百兩將之百兩成之標有梅男女及時也野有
死麕曰茅包之有女懷春吉士誘之何彼禮矣美玉姬

也雖則王姬亦下嫁於諸侯車服不繫其夫下王后一

頭人其頰衣錦娶女國君夫人翟衣而嫁今衣錦者在塗之服也四牡有騶朱幘

鑣鑣翟芾以朝有狐刺時也古者國有凶荒則殺禮而

多昏會男女之無夫家者所以育人民也羊刺亂也婚

姻之道缺陽倡而陰不和男行而女不隨衣錦娶女裳

錦娶裳庶人之妻嫁服也士妻緹衣纁緹著刺時也時不親迎也俟我於著

乎而充耳以素乎而士之服也俟我於庭乎而充耳以青

乎而卿大夫之服也俟我於堂乎而充耳以黃乎而人君之服也綢

繆刺晉亂也國亂則婚姻不得其時焉東門之楊刺時

也婚姻失時男女多違親迎女猶有不至者也大明文

定厥祥親迎于渭造舟為梁不顯其光天子造舟諸侯維舟大夫万舟士特舟

韓奕曰韓侯迎止于蹶之里諸婦從之祁祁如雲春秋
隱八年鄭公子忽如陳逆婦媯先配後祖鍼子曰是不

爲夫婦誣其相矣非禮也何以能育莊公二十四年夏
公如齊逆女秋哀姜至公使宗婦覲用幣非禮也御孫
曰男贄大者玉帛小者禽鳥以章物也女贄不過榛栗
棗脩以告虔也今男女同贄是無別也男女之別國之
大節也而由夫人亂之無乃不可乎文四年夏逆婦姜
于齊御不行非禮也君子是以知出姜之不允於魯也
曰貴聘而賤逆之君而卑之立而廢之弃信而壞其主
在國必亂在家必亡不允宜哉詩曰畏天之威于時保
之敬主之謂也七年穆伯爲襄仲于莒聘焉穆伯如莒
涖盟且爲仲逆及鄆陵登城見之莒自爲娶之仲請攻
之宣元年春公子遂如齊逆女尊君命也三月遂以夫
人婦姜至自齊尊夫人也成八年夏宋公使公孫壽來
納幣禮也衛人來媵共姬禮也凡諸侯嫁女同姓媵之

異姓則否昭元年春楚公子圍聘于鄭且娶於公孫段
氏伍舉爲介將入館鄭人惡之使行人子羽與之言乃
館於外既聘將以衆逆子產患之使子羽辭曰以敝邑
褊小不足以容從者請墮聽命命太宰伯州犁對曰
圖布几筵告於莊共之廟而來若野賜之是委君貺於
草莽也是寡大夫不得列於諸卿也唯大夫圖之鄭徐
吾犯之妹美公孫楚聘之矣公孫黑又使強委禽焉犯
懼告子產子產曰是國無政非子之患也唯所欲與犯
請於二子請女擇焉皆許之子皙盛飾入布幣而出子
南戎服入左右射超乘而出女自房觀之曰子皙信美
矣抑子南夫也夫夫婦婦所謂順也適子南氏子皙怒
欲殺之子南執戈逐之子皙傷而歸二年四月韓須如
齊逆女齊陳無宇送女致少姜少姜有寵於晉侯晉侯

謂之少齊謂陳無宇非御執諸中都少姜為請曰送從
逆班畏大國也猶有所易是以亂作三年齊侯使晏嬰
請繼室於晉曰寡君使嬰曰寡人願事君朝夕不倦不
腆先君之適以備內官焜耀寡人之望則又無祿早世
隕命寡人失望君若不忘先君之好惠顧齊國辱收寡人
徵福於大公丁公照臨敝邑鎮撫其社稷則猶有先君
之適及遺姑姊妹若而人君若不弃敝邑而辱使董振
擇之以備嬪嬙寡人之望也韓宣子使叔向對曰寡
君之願也寡君不能獨任其社稷之事未有伉儷在纒
經之中是以未敢請君有辱命惠莫大焉若惠顧敝
邑撫有晉國賜之內主豈唯寡君舉群臣實受其貺昭
五年晉韓宣子如楚送女叔向為介及楚楚子朝其大
夫曰晉吾仇敵也苟得志焉無恤其他遠啓疆曰晉之

事君臣曰可矣求諸侯而集至求婚而薦女君親送之
上御及上大夫致之猶欲取之君其亦有備矣不然奈
何楚子終厚禮之成十一年聲伯之母不聘穆姜曰吾
不以妾為妣止聲伯而出之嫁於齊管于奚生二子而
寡以歸聲伯聲伯以其外弟為大夫而嫁其外妹於施
孝叔郤來聘求婦於聲伯聲伯奔施氏婦以與之婦
人曰鳥猶不儷子將若何曰不能死亡婦人遂行
生二子於郤氏郤氏云晉人歸之施氏施氏逆諸河沈
其二子婦人怒曰已不能庇其伉儷而亡之又不能字
人之孤而殺之將何以終遂誓之施氏襄十二年靈王求
后于齊齊侯問對於晏相子相子對曰先王之禮辭
有之天子求后於諸侯諸侯對曰夫婦所生若而人妾
婦之子若而人無女而有姊妹姊妹則曰先守其公

之遺女若而人齊侯許婚王使陰里結之哀十二年昭
公夫人孟子卒昭公娶于吳故不書姓死不赴故不稱
夫人不反哭故不言葬小君二十四年公子荆之母嬖
將以為夫人使宗人豐夏獻其禮對曰無之公怒曰女
為宗司之夫人國之大禮也何故無之對曰周公及武
公娶於薛孝惠娶於商自相以下娶於齊此禮也則有
若以妾為夫人則固無其禮也公卒立之而以荆為木
子國人始惡之公羊隱二年紀履緌來逆女何以不稱
使婚禮不稱主人然則曷稱稱諸父兄師友宋公使公
孫壽來納幣則其稱主人何辭窮也辭窮者何無母也
然則紀有母乎曰有有則何以不稱母母不通也外逆
女不書此何以書譏始不親迎也始不親迎於此乎
前此矣前此則曷為始也此之始焉爾春秋之始也又

曰女在其國稱女在塗稱婦入國稱夫人伯姬歸于紀
其言歸何婦人謂嫁曰歸相三年公子翬如齊逆女齊
侯送姜氏于讎何以書譏諸侯越境送女非禮也比入
國矣何以不稱夫人自我言齊父母之於子雖為鄰國
夫人猶曰吾姜氏八年祭公來遂逆王后于紀遂者何
生事也大夫無遂事此其言遂何成使乎我也其成使
乎我奈何使我為媒可則因用是往逆矣女在其國稱
女此其稱王后何王者無外其辭成矣九年春紀季姜
歸于京師其辭成矣則其稱紀季姜何自我言紀父母
之於子雖為天子后猶曰吾季姜莊元年單伯逆王姬
何以不稱使天子召而使之也逆之者何使我主之也
曷為使我主之天子嫁女乎諸侯必使諸侯同姓者主
之諸侯嫁女于大夫必使大夫同姓者主之秋築王姬

之館于外築之禮也于外非禮也于外何以非禮築于外非禮也其築之何以非禮主王姬者必為之改築於路寢則不可小寢則嫌群公子之舍則以卑矣其道必為之改築者也二十四年夫人姜氏入其言入何難也其難奈何夫人不能不可使入與公有所約然後入大夫宗婦觀用幣用者不宜用也見用幣非禮也然則曷用棗栗云乎服脩云乎二十七年杞伯姬來其言來何直來曰來大歸曰來歸莒慶來逆叔姬何以書禮大夫越境逆女非禮也僖八年禘于大廟用致夫人用者不宜用也致者不宜致也禘用致夫人非禮也夫入何以不稱姜氏貶譏以妾為妻也其言以妾為妻妾何蓋脅于齊媵女之先至者也九年伯姬卒此未適人何以不許嫁矣婦人許嫁字而笄之死則以處女之喪治之

一年杞伯姬來求婦其言來求婦何兄弟辭也其稱婦何有姑之辭也文二年公子遂如齊納幣譏喪娶也娶在三年之外何譏乎喪娶三年之內不圖婚吉禘于莊公譏然則曷為不祭焉譏三年之恩疾矣非虛加之也以人心為皆有之以人心為皆有之則曷為獨於娶焉譏娶者大吉也非常吉也其為吉者主於已以為有人心焉者則宜於此焉變矣四年趙婦姜于齊何略之也高子曰娶乎大夫者略之也八年宋人殺其大夫司馬宋司城來奔司馬司城皆官舉也曷為皆官舉宋三世無大三世內娶也十五年齊人來歸子叔姬其言來何問之也此有罪何問爾父母之於子雖有罪猶若其不欲服罪然十八年夫人姜氏歸于齊成八年衛人來媵媵不書此何以書錄伯姬也九年杞伯來逆叔姬之喪

以歸內辭也脅而歸之伯姬歸于宋季孫行父如宋致女未有言致女者此其言致女何錄伯姬也晉人來媵錄伯姬也襄十五年劉夏適王后于齊外逆女不書此何以書過我也穀梁相三年公子翬如齊逆女親者也使大夫非正也齊侯送姜氏于謹禮送女父不下堂母不出祭門諸母兄弟不出闈門父戒之曰謹慎從爾舅之言母戒之曰謹慎從爾姑之言諸母般申之曰謹慎從爾父母之言送女踰境非禮也公會齊侯于謹無譏乎曰為禮也齊侯來也公之逆而會之可也夫人姜氏至自齊其不言翬之以來何也公親受之于齊侯也子貢曰冕而親迎不已重乎孔子曰合二姓之好以繼萬世之後何謂已重乎八年祭公來遂逆王后于紀其不言使焉何也不正其禮也初之大事即謀於我與使也

遂逆事之辭也其曰遂逆王后故略之也曰天子外王命之則成矣九年紀季姜歸于京師為之中者歸之也十八年公會齊侯于濼公與夫人姜氏遂如齊濼之會不言及夫人何也以夫人伉弗稱數也莊元年單伯逆王姬其不言如何也其義不可受於京師也曰躬君弒於齊使之主婚姻與齊為禮其義固不可受也築王姬之館于外主王姬者必自公門出於廟則已尊於寢則已卑為之築節矣築之外變之正也築之外變之為正何也彼離之人非所以接婚姻也葦席非所以接弁冕也其不言齊侯之來逆何也不使齊侯得與吾為禮也十九年公子結媵陳人之婦于鄆遂及齊侯宋公盟媵淺事也不志此其志何也辟要盟也何以見其辟要盟媵禮之輕者也盟國之重也以輕事遂乎國重無

說其曰陳人之婦略之也其不曰數淪惡之也夫人姜氏如莒婦人既嫁不踰境踰境非正也二十二年公如齊納幣納幣大夫之事也禮有納采有問名有納徵有告期四者備而後娶禮也公之親納幣非禮也故譏之二十四年公如齊逆女親迎恒事也不志此其志何也正其親迎於齊也公至自齊迎者行見諸舍見諸先至非正也丁丑姜氏入內弗受也日入惡入者也何用不受也庚寅宗婦覲用幣禮大夫不見夫人不言及不正受也庚寅宗婦覲用幣禮大夫不見夫人不言及不正其行婦道故刻數之也男子之贄羔鴈雉膳婦人之贄棗栗栗股脩用幣非禮也大夫國體也而行婦道惡之故謹而日之也二十七年莒慶來逆叔姬諸侯之嫁子於大夫主大夫以與之來者接內也不正其接內故不與

夫婦之稱也文四年逆婦姜氏齊為其禮成乎齊也其逆者誰親迎而稱婦或者公與何其速婦之也曰公也其不言公非成禮於齊也曰婦有姑之辭也不言氏哭也人與有貶也十二年子叔姬卒其曰子叔姬貴也公之母姊妹也其一傳曰許嫁以卒之也男子二十而冠冠而列丈夫三十而娶女子十五而許嫁二十而嫁成十四年僑如以夫人婦姜氏至自齊大夫不以夫人以夫人非正也刺不親迎也僑如之挈由上致之也春秋相八年祭公來遂逆王后于紀襄十五年劉夏逆王后于齊啖子曰古儒者或言天子當親迎或言不當親迎二說不明未敢定也然春秋所載皆譏也趙子曰康成據毛詩義以文王親迎為證據文王乃非天子不可為證考之大體固無自逆之道王者之尊海內莫敵故嫁女

即使諸侯主之適諸侯諸侯莫敢有其室若屈萬乘之尊而行親迎之禮即何莫敢敵之有乎曰夫子對哀公云為天地社稷宗廟之主非謂天子乎荅曰魯有郊天地之禮故云爾何得言天子乎相三年公子翬如齊逆女莊二十四年夏公如齊逆女文四年夏逆婦姜于齊宣元年公子遂如齊逆女成十四年秋叔孫僑如如齊逆女啖子曰諸侯親迎皆常事不書穀梁云親迎常事不志是也公子翬公子遂叔孫僑如為君逆夫人皆以非禮翬遂公子而行昏禮尤不可也左氏以卿逆為合禮殊誤矣公穀並云譏不親迎莊十九年秋公子結媵陳人之婦于鄆遂及齊侯宋公盟成八年衛人來媵九年晉人來媵十年齊人來媵啖子曰凡媵常事不書公子結為遂事起本也三國來媵非禮也故書公羊云媵不

媵身云媵淺事也不志此說皆異

女同姓媵之異姓則不若然則其姓已而王

同姓至少如嫁女孰為媵乎恐此禮

子曰左氏云異姓則否啖子難之誠

不合媵則成十年直云齊人來媵足知非禮

衛晉乎所以先書二國者明九女已足而又來媵

為失禮非謂異姓來媵其義甚明

婚有六禮納采問名納吉納徵請期親迎而納采者

擇其族類問名者詢其誰氏問名然後卜之故納吉

納吉則其禮成矣故納徵然則納采問名同一使納吉納徵請期

皆異使納采問名納吉請期以禽贄納徵以圭璋皮帛由徵

以前慮其或不受也故皆言納既納徵則聽命而已故

於期言請焉曲禮曰日月以告君齋戒以告鬼神春秋

之時楚公子娶於鄭曰告於莊共之廟而來鄭公子
忽先配後祖君子譏之故士婚禮既納采問名然後
歸卜於禰既卜然後納吉而卜常在告廟之日禮記
曰卜郊受命于祖廟作龜于禰宮尊祖親考之義也
鄭氏謂受命退乃卜卜婚之禮蓋亦如之然則告廟
始於納采問名之後矣白虎通曰娶妻告廟者示不
必人女此臆說也異議云戴禮說天子親迎左氏說
天子不親迎上知迎之諸侯亦不親迎使上大夫迎
鄭駁異義云文王娶大妣親迎於渭又孔子答哀公
合二姓之好以繼先聖之後以爲天地宗廟社稷之
主冕而親迎何謂已重乎此天子諸侯有親迎也然
考之於經著之詩刺不親迎而克耳以黃者人君之
飾又文王迎于渭韓侯迎于蹶而春秋紀裂繻來迎

六公羊曰譏不親迎也公子翬如齊逆女穀梁曰逆
女親者也使大夫非正也莊公如齊逆女穀梁曰
親迎常事也不志此其志何不正其親迎於齊也凡
此皆言諸侯親迎之禮若天子則不然趙氏曰王者
之尊海內莫敵故嫁女則使諸侯主之適諸侯諸侯
莫敢有其室若屈萬乘之尊而行親迎之禮則何莫
敢敵之有乎夫子對哀公曰爲天地社稷宗廟之主
以魯有郊祀天地之禮故云爾非爲天子發也左氏
謂諸侯不親迎公羊謂天子亦親迎其說不能全與
經合當從趙氏之論爲正漢惠帝納后納采鴈璧乘
馬束帛聘黃金三萬斤十二匹其後相帝納后悉依
其故事北齊皇帝納后之禮納采至納徵訖告圓丘
方澤及廟是日皇帝臨軒命太尉爲使司徒副之持

節詣后行宮東向奉鬯綬唐皇帝納后卜日告天地
並如開元禮然皆不聞有親迎者蓋其傳襲於古然
也

納采問名

禮言婚禮下達而繼之以納采納采辭曰吾子有惠
既室某也某有先人之禮使某也謀納采則納采之
前已達其言矣納采於廟賓受主人鴈訖降出擯者
出請賓執鴈請問名入授如初禮擯者出請醴賓主
人迎于廟門外揖讓如初一使而二鴈三入廟而再
迎之則問名因於納采故其禮略也士昏贄用鴈者
不以死贄亦攝盛也觀其所乘大夫之墨車所衣助
祭之爵弁而女必以純衣纁緝脂必用鮮魚必殺全
則攝贄以鴈不為過也鄭氏曰用鴈取其順陰陽來

往理必不然

納吉納徵

士納吉用鴈如納采禮納徵玄纁束帛儷皮如納吉
禮鄭氏曰徵成也使使者納幣以成昏禮用玄纁者
象陰陽備也束帛十端也周禮曰凡嫁子娶妻入幣
純帛無過五兩儷兩也執束帛以致命兩皮為庭實
皮鹿皮釋周禮曰純實緇字也古緇以才為聲士大
夫乃以玄纁束帛天子加以穀圭諸侯加以大璋雜
記曰納幣一束束五兩兩五尋然則每端二丈賈公
彥曰庶人用緇無纁其大夫無冠礼有婚禮若試為
大夫及幼為大夫者依士禮若五十而爵改娶者婚
禮云纁及鹿皮則同於士餘有異者無文以言之也
然考之於史曰錦繡千純蘇秦又曰文繡千純張儀

則純匹端也周禮所謂純帛乃匹帛也鄭改以爲緇
誤矣匹帛無過五兩則庶人不必五兩大夫士不得
過焉非謂庶人用緇大夫用玄纁也先王之制婚禮
其用財不過如此則婦之所飾可知矣以爲合二姓
之好上以事宗廟下以繼後世而不在財也是以梁
鴻鄙孟光之綺繡表魄却馬倫之囊裝王通亦曰婚
娶論財夷虜之道也後世之俗有以金幣相高蓋不
知此

請期

納采以至納徵主人不辭而請期辭者以期在夫家
而不在主人也請期曰吾子有賜命某既申受命矣
惟是三族之不虞使其也請吉日蓋惟父之昆弟已
與子之昆弟無死喪之凶然後可以行礼焉其言正

於三族而不及母妻之黨者雜記曰大功之末可以
冠子嫁子妻之父母小功也故不避焉

親迎

將迎則齊戒居外鬼神陰陽也及朝則初婚之時父
醮而命之曰往迎爾相親我宗事勉帥以敬先妣之
嗣子諾乃行至于門外主人筵于戶西西上右凡女
立于房中南面主人迎于門外賓執鴈從至于廟門
揖入升階奠鴈稽首降出婦從降自西階主人不降
送壻御婦車授綏婦乘以几壻先俟于門外此所謂
男帥女女從男夫婦之義由此始也納幣必以使而
春秋之時有親行之者莊公如齊納幣是也逆女必
親而春秋之時或以使公子翬公子遂如齊逆女是
也應親而不親不應親而親之此春秋所以譏耳禮

必親迎若不親迎則有婦入三月壻見之儀存焉

禮書卷第六十五終

禮書卷第六十六

昏禮

婦見舅姑禮

醴婦饗婦禮

舅姑饗送者

媵姪娣

致女

還車之禮

昏姻之時

昏禮

婦見舅姑禮

士昏禮夙興婦沐浴纚笄宵衣以俟見質明贊見婦于舅姑席于阼舅即席正于房外南面姑即席婦執

笄束栗自門入升自西階進拜奠于席舅坐撫之興
答拜婦還又拜降階受笄服脩升進北面拜奠于席
姑坐舉以興拜授人記曰笄緇被纁裏加于橋舅答
拜宰徹笄雜記曰婦見舅姑兄弟姊妹皆立于堂
下西面北上見已諸父各就其寢然則婦於嫁夕
次純衣纁柎厥明則纁笄宵衣以見舅姑者以盛飾
可以施於嫁夕不可施於厥明也棗栗服脩也見
舅以棗栗見姑以服脩者以棗栗者人所產服脩者人
所成也棗栗進於舅而拜之服脩進於姑而姑拜之以
禮無不答猶冠禮母拜也燕禮君答臣祭禮尸答主
人也見必立於堂下而拜必於階上者立於堂下婦
之所以尊尊也拜於階上舅姑所以親親也若舅姑
沒則有奠菜之禮焉後漢晉魏以來有拜時三日之

婦張華曰拜時之婦盡恭公舅姑三日之婦成吉於
夫氏準於古義可以成婦之禮元等曰未廟見之婦
死則反葬女氏之黨以此世之貴其成婦不係成妻
明拜舅姑為重節夫為輕所以然者陳鍼子曰先配
而後祖是不為夫婦証其祖矣非禮也此春秋明義拜
時重於三日之證也

醴婦鄉長婦禮

冠必醴子昏必醴女以至主人醴賓舅姑醴婦皆致
其誠敬而示以質也醴婦必席于戶牖間其酌以解
其薦以脯醢其禮有祭而拜送拜答則贊者而已若
夫饗婦則不然故舅洗在庭姑洗在北掌則所與行
禮者舅姑也然則醴與饗必於戶牖間猶冠者之醮
於客位也婦降自阼階緇冠者之冠于阼也庶婦則

使人醮之猶庶子之冠不醮也

舅姑饗送者

昏禮舅饗送者以一獻之禮酬以束錦姑饗婦人送者酬以束錦若異邦則贈丈夫送者以束錦鄭氏曰丈夫送者女家有司也婦人送者隸子弟之妻妾也凡饗送之蓋嫁女之禮父送不下堂母送不出門則其送者非尊者也春秋之時齊侯送姜氏左氏譏之曰非禮也凡公女嫁于敵國婦人則上卿送之以禮於先君公子則下卿送之於大夫雖公子亦上卿送之於天子則諸卿皆行公不自送於小國則上大夫送之然則士使有司送之可知也古者大夫東脩之間不出境聘弓鏃矢不行國中故大夫無外娶欲一致於其君而不外交也春秋之時紀履緌言慶齊高固娶

于魯公子園娶于鄭襄仲娶于莒蓋不知此公羊曰大夫越境逆女非禮也若士卑不嫌故有異邦送者姪娣

易歸妹曰其君之袂不知其姊之袂良詩江有汜曰有嫡不以其媵備數媵遇勞而無怨韓奕曰諸娣從之祁祁如雲春秋莊十九年秋公子結媵陳人之婦于鄆遂及齊侯宋公盟媵公羊曰公子結媵陳人之婦于鄆遂及齊侯齊人來媵公羊曰公子結媵陳人之婦于鄆遂及齊侯宋公盟媵者何諸侯娶一國則二國往媵之以姪娣從姪者何兄之子也娣者何弟也諸侯壹聘九女諸侯不冉娶晉人來媵錄伯姬也齊人來媵錄伯姬也三國來媵非禮也曷為皆以錄伯姬之辭言之婦人以衆多為侈也穀梁曰衛人來媵媵淺事也不志此其志何也以

伯姬之不得其所故盡其事也何休曰禮適夫人無子立右媵右媵無子立在媵左媵無子立嫡姪婦嫡姪婦無子立右媵姪婦右媵姪婦無子立左媵姪婦實家親親先立婦文家尊尊先立姪左氏曰衛人來媵共姬禮也凡諸侯嫁女同姓媵之異姓則否杜預曰古者諸侯取適夫人及左右媵各有姪婦音同姓之國國三人昏義曰古者天子后立六宮三夫人九嬪二十七世婦八十一御妻以聽天下之內治周禮天官序官有九嬪世婦女御曲禮天子有后有夫人有世婦有嬪有妻有妾公侯有夫人有世婦有妻有妾又曰國君不名御老世婦大夫不各世官姪婦士不名家相長妾檀弓曰舜葬於蒼梧之野蓋三妃未之從也鄭氏曰帝舉立四妃象后妃四星其一明者為正妃其三小者為次妃帝

堯因焉至舜不告而取不立正妃但三夫人而已夏后氏增以三三而九為十二商人又增以三九二十七合三十九人周人上法帝嚳立正妃又三二十七為六十一人以增之合百二十一人毛氏釋衛詩曰古者后夫人必有女史彤管之法后妃羣妾以禮御於君所又史書其日月授之以環以進退之生子月辰則以金環退之當御者以銀環進之著于左手既御著于右手周禮九嬪以時序于王所鄭氏曰羣妃御見之法卑者宜先尊者宜後女御八十一人當九夕世婦二十七人當三夕九嬪九人當一夕后當一夕亦十五日而徧云自望後反之論語曰管氏有三歸

古者天子有后有夫人有嬪有世婦有妻有妾諸侯有夫人有世婦有妻有妾天子自御妻而上其數百

二十有二諸侯夫人而下其數不可考也諸侯娶一國
二國媵之國三人則夫人與二媵各有姪娣凡九女
而天子國媵之數不可考也孔子譏管仲三歸之不
儉而不以為不知禮則大夫一娶三女矣士昏禮女
從者畢衿玄鄭氏曰從者謂姪娣然則士亦有姪娣
也春秋之時衛人晉人齊人來媵伯姬譏三國媵之
也左氏曰諸侯嫁女同姓媵之異姓則否然國語曰
王御不參一族是立明前後自惑也趙氏曰媵不異
姓則莒姓已邾姓曹此一國姓至少如嫁女孰為媵
乎恐此禮難行今則不取

致女

曲禮曰納女於天子曰備百姓於國君曰備酒漿於
大夫曰備掃灑鄭氏曰納女猶致女不親迎則女之

家遣人致之此其辭也春秋之時晉韓宣子叔向如

楚送女左氏曰上卿及大夫致之魯季孫行父如宋致女其辭蓋亦

如曲禮云爾

還車之禮

上良自禮聖人爵弁纁裳從車二乘婦車亦如之谷風詩

曰以爾車來以我賄遷鵲巢詩曰百兩御之百兩將

之何彼懷矣詩曰衣服不繫其夫下王后一筭鄭氏

謂士妻之車夫家共之大夫以上嫁女則自以車送

之然諸侯夫人百兩御之則特有送之之車而已送

車繼又乘之以歸故泉水詩有還車言邁之嘆鄭氏曰還車者

必乘以歸春秋之時齊高固子叔姬有反馬之禮此

皆古之遺制也

昏姻之時

周禮媒氏令男三十而娶女二十而嫁

二三考天地相承覆之數易曰三天兩地

而倚禮記內則曰男三十而有室始理男事女十有五年

而笄二十而嫁有故二十三年而嫁家語曰男子二十

而冠有為人父之端女子十五許嫁有適人之道於此

而往則自昏矣楊氏曰元氣起於子人之所生也男從子

左行三十女從子右行二十俱至於已古者男三十而

娶女二十而嫁法於此也越語女十七不嫁丈夫二十

不要父母有罪周禮媒氏仲春之月令會男女之無夫

家者詩曰士如歸妻迨冰未泮家語曰霜降而婦功成

嫁女者行焉冰泮農業起昏禮殺於此孫卿曰霜降送

女冰泮殺於毛氏釋東門之楊曰不逮秋冬鄭氏曰

春盛而不嫁至夏則衰

禮言男三十而娶非必三十也

以謂三十不娶則非也

也女二十而嫁非必二十也

以為二十不嫁則非也

故家語曰男二十而冠有為人父之端女子十五許

嫁有適人之道於此而往則自昏矣

誰周亦曰男自

二十以及三十女自十五以至二十皆得以嫁娶其

說也是也若夫嫁娶之時則詩言迨冰未泮而家語荀

卿皆以冰泮為期則仲春之月會男女而無夫家者

蓋昏禮殺於正月至仲春則極矣毛鄭釋詩或期以

秋夕或期以仲春皆指一端言之也

禮書卷第六十七

廟制

天子七廟

諸侯五廟

附庸五廟

大夫三廟

適士二廟

官師一廟

廟制

書舜典曰禋于六宗

張廷白六宗三昭三穆

商書曰七世之廟可以

觀德周禮小宗伯掌建國之神位右社稷左宗廟辨廟

祧之昭穆守祧掌守先王先公之廟祧其遺衣服藏焉

其廟則有司脩除之其祧則守祧黜聖之祭僕大喪復

于小廟始祖曰大廟高考工記匠人營國左祖右社廟門容

大高七个闡門容小高三个禮記王制曰天子七廟三

昭三穆與太祖之廟而七此周制七者大祖及文王武王之祧與

二昭二穆夏則五廟無大祖禹而二昭二穆而已正義曰鄭氏之意天子立

七廟唯謂周也鄭必知然者案禮緯稽命徵云唐虞五廟親廟四始祖廟一夏

四廟至于孫五商五廟至于孫六鈞命決云唐堯五廟親廟四始祖廟五禹四

廟至于孫五商五廟至于孫六鈞命決云唐堯五廟親廟四始祖廟五禹四

制也周所以七者以文王武王受命其廟不毀以為二祧并始祖后稷及高祖以下親廟毀為

七也若王肅則以為天子七廟者謂高祖之父及高祖之祖廟為二祧并始祖及親廟四為七

故聖證論肅難辨云周之文武受命之王不遷之廟權禮所施非常廟之數商之三宗

宗其德而存其廟亦不以為數凡七廟者皆不稱周室禮哭哭禮有以多為貴者天子七廟

孫卿云有天下者事七世又云自上以下降殺以兩今使天子諸侯立廟並親廟四而止則

君臣同制尊卑不別各位不同禮亦異數况其君臣乎又祭法云王下祭禘五及五世來孫

則下及無親之孫而系上不及無親之祖不亦詭哉穀梁傳曰天子七廟諸

侯五廟大夫三廟士一廟禮記王制曰天子七廟諸侯五

天子七廟堂九尺王制七廟盧植皆據周言也穀梁傳天子七廟更始說天

子七廟據周也漢書韋玄成四八人議昔云周以而稷始封文王受命石

論白虎通云周以而稷文武特七廟之張融謹案周禮守祧職奄八人女祧

廟二人自太祖以下與文武及親廟四月人姜嫄用一適盡若除文武則

少二人曾子問孔子說周事而云七廟無虛主若王肅數高祖之父高祖之祖

廟與文武而九主當有九孔子何云七廟無虛主乎故云以周禮孔子之言為

本穀梁說及小記為枝葉韋玄成白虎通為終驗七廟序言云說為長是也

鄭之意且天子七廟者有其人則七無其人則五若諸侯廟制雖有其人下得

適五此天子諸侯七五之異也王肅云君臣同制尊卑不別其義非也又王

祭殤王者非其別立殤廟七廟外親盡之祖禘洽猶當祀之而三肅云下祭

親之殤上不及無親之祖又非通論且家語云先儒以為肅之所作未足可依

案周禮唯存后稷之廟不毀明七年傳云余敢志高廟庶罔汪云周人不毀其

廟報祭之似高圍亞圍廟亦不毀者此是不立廟之諸侯五廟一昭二穆

與大祖之廟而五大祖始封之君王者之大夫三廟一昭一穆

與大祖之廟而三大祖別子始爵者大傳曰別子為士一廟謂諸侯

禮器曰禮有以多為貴者天子七廟諸侯五

大夫三士一祭法曰王立七廟一壇一墀曰考廟曰王考

廟曰皇考廟曰顯考廟曰祖考廟皆月終之遠廟為祧



有二祧享嘗乃止去祧為壇去壇為墀墀有禱焉祭之

無禱乃止去墀曰鬼諸侯立五廟一壇一墀曰考廟曰
王考廟曰皇考廟皆月祭之顯考廟祖考廟享嘗乃止
去祖為壇去壇為墀壇墀有禱焉祭之無禱乃止去墀為
鬼大夫立三廟一壇適十二廟一壇官師一廟小記曰王者
禘其祖之所自出以其祖配之而立四廟庶子王亦如之
曾子問曰非禘則七廟五廟無虛主又曰諸侯相見祝史
告于五廟荀子曰有天下者事七世有一國者事五世有
五乘之地者事二世有三乘之地者事二世持手而食者
不得立宗廟所以表積厚積厚者流澤廣積薄者流澤
狹也春秋書展夷伯之廟穀梁曰夷伯魯大夫也因
以見天子至于士皆有廟天子七廟諸侯五大夫三士
二故德厚者流光德薄者流卑是以貴始德之本也
書必為祖書世室屋壞公羊曰周公稱大廟魯公稱世



室羣公稱宮世室猶世室也世世不毀也記曰魯公
之廟文世室武公之廟武世室家語曰衛將軍文子將
立先君之廟於其家使子羔訪於孔子孔子曰公廟設
於私家非古禮之所及天子七廟諸侯五大夫三士二
庶人無廟四時祭於寢自虞至周所不變也

天子七廟 諸侯五廟 附庸五廟
大夫三廟 適士二廟 官師一廟

天子七廟



廟所以象生之有朝也寤所以象生之有寢也建之觀門之內不敢遠其親也位之觀門之左不忍死其親也家語曰天子七廟諸侯五廟自虞至周之所不變也




故虞書禋于六宗以見大祖周官守桃八人以兼姜嫄之宮則虞周七廟可知矣伊尹言七世之廟商禮也禮記荀卿穀梁皆言天子七廟不特周制也則自虞至周七廟又可知矣然存親立廟親親之至恩祖功宗德尊尊之大義古之人思其人而愛其樹尊其人則敬其位况廟乎法施於民則祀之以勞定國則祀之况祖宗乎於是禮以義起而商之三宗周之文武漢之孝文孝武唐之神堯文皇其廟皆在三昭三穆之外歷世不毀此所謂不遷之廟非謂桃也鄭康成之徒以喪服小記言王者立四廟則謂周制七廟文武為一桃親廟四而已則文武不遷之廟在七廟內是臆說也王肅聖證論曰禮

一殺以兩使天子諸侯皆親廟四則是君臣



於焉五而下及無親之孫上不

及無親之祖不亦詭哉王彛中劉歆論之於漢韓退之論之於唐其言皆與肅同蓋理之所在者無異致也

諸侯五廟



王制曰諸侯五廟二昭二穆與太祖之廟而五鄭氏
 曰太祖始封之君王者之後不為始封之君廟蓋諸
 侯不敢祖天子故王之子弟始為諸侯不得立出王




之廟後世子孫祖其始封者而已其或有大功德特命祀其祖先則立廟可也魯有姜嫄文王之廟鄭祖厲王是也若王者之後始封之君非有功德不可為祖則祖其先代之王者宋祖帝乙是也孔穎達曰若異姓始封如太祖之屬得立五廟從諸侯禮然王者始受命所立不過四廟諸侯初封蓋亦廟止高祖而已謂得立五廟無是理也玉藻曰皮弁以聽朔於太廟而朔祭有牲是月祭及太祖也祭法謂王考皇考月祭之顯考祖考享嘗乃止非禮意也穀梁曰諸侯受朔于禴廟其說無據

附庸五廟


公侯伯子男其衣服宮室車旗等類雖殊其立五廟一也附庸之封雖不能三十里亦國君爾故亦五廟

附庸五廟

春秋書紀季以鄆入于哀公羊傳曰紀季請後王宮以存姑姊妹則附庸之廟與諸侯同可知也




王制大夫三廟一昭一穆與太祖之廟而三鄭氏曰
 太祖別子始爵者雖非別子始爵者亦太祖也






商謂王制商制故雖非諸侯之別子亦
 廟周制別子為太祖若非別子之後雖為
 祖曾祖三廟隨時而遷不得立始爵者
 氏曰大夫有二宗荀卿曰大夫士有世宗則大夫有
 百世不遷之大宗有五世則遷之小宗是太祖之廟
 常不遷也特祭法曰大夫三廟考與王考皇考有廟
 既考祖考無廟而鄭氏遂以為周大夫之制誤也孔
 子達曰大夫三廟天子諸侯之大夫同卿即大夫也
 且春秋殺卿皆曰大夫其三公之廟與諸侯同於理
 或然

大夫三廟

通士二廟



官師一廟



王制士一廟祭法適士二廟一壇曰考廟曰王考廟
享嘗乃止顯考無廟鄭氏謂考當作皇考有禱焉為壇祭之去
壇為鬼官師一廟曰考廟王考無廟而祭之去王考
為鬼鄭氏謂官師中士下士也上士異廟中士下士
祖禰同廟然夷服傳曰都邑之士則知尊禰學士大
夫則知尊祖是都邑之士一禰廟而已其曰禰祖
共廟其所聞也賈公彥曰然則言諸侯之中士下士
一廟天子之士皆二廟禮言八十一元士而不別
二下士以其皆二廟也

卷之三